

雜志

叙曰志猶史也史之紀事也核而其為文也精志則惟其事不惟其文故存古傳疑殊條瑣撰無弗載焉夫灾祥以備監戒信矣寺觀之設雖非其正有其舉之莫或廢也妖多之事君子不道宇宙大矣何所不有八景終焉則縣之大槩也志雜志

古蹟
今蹟

漢琅槐縣屬千乘郡按水經註濟水東歷琅槐縣故城北淄水東北逕琅槐縣故城南地理風俗記云博昌城東北八十里有琅槐鄉故縣也以二水徵之其地當

雜志

卷二十

在城東北域內

漢鉅定縣

屬齊郡

按水經註淄水又東逕巨淀縣故城

南縣東南則巨澱湖其地當在今城東北清水泊西北鉅定琅槐與廣饒三縣東漢俱罷良以地卑近淄為暴水所敗人民日寡故也

馬井城

未詳所置若屬

按水經註淄水又東北逕馬井城北

亦今城東北地也

故縣城

在城北二十里濟水陽

李志序云或是酈道元時廣饒

見城按廣饒自東漢罷至晉而復或以漢城北水更

置于此未可知也今有址存

漢利縣城

屬齊郡

今屬博興縣萊城之東偏即吾縣土

矧兩漢時吾縣實其東境故志之

桓臺

在城東北二十一里

按史記武帝紀李少君見上上有故

銅器問少君少君曰此器齊桓公十年陳于桓寢已

而驗其刻果齊桓器註服虔曰地名有臺也瓚曰晏

子書桓寢臺名也正義曰括地志云桓寢在青州千

乘縣東北二十里韓子云景公與晏子遊于少海登

桓寢之臺即此

海謂渤海

據諸則今之謂桓臺者其桓

寢乎

青丘按齊乘樂安北清水泊蓋以青丘得名齊景公

有馬千駟田于青丘即此

龍丘

在城東南二十里

狀若臺人力為也未詳所始元為禱

兩處有斷碑沒土中

明朝洪武間知縣謝中嘗建龍祠其上今祠廢惟丘存

明誠書院

在城西一里

元邑人程鵬建蒙賜題云今廢

吉祥寺

在布政分司西

金明昌元年建

明朝洪武天順間修

龍泉寺

在城東差南一十五里城悟社

馬鳴寺

在城東南二十五里郭家社

大聖寺

在城南差東二十五里賈家社

永安寺

在城南差西一十五里新張社

皆公寺

在城西南二十里楊趙社

南妙相寺

在城西北一十五里丁村社

昭慶寺

在城北差西一十五里韓瞳社

興國寺

在城西北四十里碑寺社

北妙相寺

在城西北六十里鹽塚社

雜志

卷二十

三

崇慶寺

在城東北八里趙家社

桓臺院

在城東北二十五里桓臺社

興教寺

在城東北六十里高家社

天佛寺

在城東差北二十五里散水社

禮佛寺

在城北九十里田家社

石佛寺

在城北一百里田家社

玉清宮

在縣治東南

金太和二年建成化嘉靖間重修原

有前門樓一座燬于火萬曆二十五年道士莫緣重建

東嶽行宮

在王清宮東

建置無考成化間修嘉靖初僉事

史臣以非祀典毀撤其材為按察行司正堂

三郎廟

在縣治西北

建置無考嘉靖間知縣王本固以不

經毀

修真觀

在城西北十五里丁村社

金太和八年建元末廢

崇真觀

在城東五里五村社

元大德四年建末年廢

金張信真者號希夷子樂安人也其母夢一馭霍仙人現空中遂感而娠既誕三月母亡甫六歲喜讀書

聰悟過人泰和初從父參禮大通為師戒行精嚴祛

邪治疾大有靈應後于天長觀問天師授正一盟威

雜志

卷二十

四

秘錄賜號真人年五十五當晝凌空而去

按廢修真觀址有斷碑仆地往余讀之額題曰大道三祖圓明真人之碑厥中所述皆信真經歷履多與志符其不符者志云當晝凌空而去碑則云端坐而逝云爾余意碑乃信真歿時門徒所立當得其實舊志或得于傳聞後遂承之而致誤與圓明真人則信真既歿所錫號也

後魏廣饒伯李元讓病前月餘京師無故傳其凶問

又城外送客亭柱有人書曰李齊州死縉佐餞別者

見而拭之後復如是果以是年夏卒

相傳隋蕭信公時先公未至邑一蛇穴于今城西

井中氣所中輒殺人忽出諸途徼犬豕而食之市里
譎奔以爲有神不敢殺也蒙信公至終公存年蛇不
復出公滿秩去發裁三日而蛇復出爲患民爲追及
公當是時公安有還理得其衣履而已遂爲之位委
衣履焉而拜蛇自此不復出于是持弓矛負土往塞
實井覆以大石封土其上于其垂立公祠其所封井
上土高若墩然余兒時及見也

周赧王三十一年齊千乘博昌之間方數百里兩血
沾衣

漢宣帝本始元年五月鳳皇集膠東千乘

元帝初元二年正月戊午齊地震北海水溢

成帝建始四年河決館陶及東郡金隄泛濫充豫入
平原千乘濟南凡灌四郡三十二縣水居地十五萬
餘頃深者三丈壞敗官亭室廬且四萬所

永始元年春北海出大魚四枚俱長六丈高一丈

質帝本初元年五月海水溢樂安北海溺殺人物

晉武帝太康六年二月齊郡臨淄等四縣樂安等八
縣隕霜傷桑麥

宋孝武帝孝建二年九月己丑朔嘉禾異畝同穎生
齊郡廣饒縣

唐高宗上元三年八月青州大風海溢漂居民五千
餘家

宋仁宗皇祐五年二月乙巳齊大風海水暴上壽光
千乘民數百家被其灾而死者幾半

元世祖至元十六年四月益都樂安縣朱五十家牛
生犴犢兩頭四耳三尾其色黃即死

明朝成化間沈令清建文廟成有白鳥六七百餘自南
飛來環繞殿上久之向東北去

博興灣頭舟人嘗言河雖隆寒不冰合也冰合必有
異正德六年寇暴是已其祥早見于五年冬當是時
河水百里間厚皆數尺豈不異哉此前稱濟德者所
未有也

正德十六年阜城舖北忽出一泉在大道西滙爲方
丈坎北流至南門外折而東今存非值歲旱不涸也

按泉出邑之有識者咸以爲夢虞李先生高第兆越
二載遂冠南宮其言果驗蓋先生世居鵲村泉近三
里許且有盛名故人胥望之言既驗遂目泉爲瑞泉
云余少嘗至泉上見其停蓄泓深水同染黛疑有神

物在不敢迫視也嘉靖三十年後泉漸清淺人時入
累西南徙雖隨地為坎而泓深非往矣今已久涸
惟枯渠存非霖潦無水也

嘉靖末年縣民耿氏家有雌鷄伏子久忽羽毛成五色作雄鷄鳴

隆慶元年正月朔日獲白鹿一于新鎮場其月復獲
白鴈一三年七月十二日大水漂沒田廬無筭

萬曆四年五月十五日大風自西北來折木揚麥屋
瓦皆飛

往武安王祠懸一木牌書曰遊擊將軍卻永謹製絳

雜志

卷二十

七

紗袍一或曰是卻捕寇山東忽與賊遇時或見一冊
面騎將乘風而下卒摧破寇卻以為得王之助也又
以莫如吾樂安崇事王特獻袍于祠製袍雖非曰王
之靈未嘗解爾

禹貢稱海濱廣斥謂如今高家港以往耶其地都無
所生婦人有白首而忽不識五稼何歲時盤薦惟魚

殮爾正德癸酉知府朱鑑詩有曰
目極風烟是水濱
咨訴民瘼此郊巡

縱橫有地皆成國遠近無人不是貧
望須知滄海亦揚塵封章何日煩
道汗邪休過

天聽下邑應又曰
狗木橋橫野水濱
肩輿何事遠勞巡
懷雨露春

海若生潮成碧浪天如不雨盡黃塵可堪二月無花
柳梢遍孤村不見春

附舊志八景詩

公署槐陰

琴堂清楚簿書稀槐樹團陰退食時移上闌干遲度
影鋪來堦砌亂交枝輕風屋角微微動斜日牆頭密
窗篩款擬甘棠千載盛也須先把政平之

朝宗月色

長虹百尺跨東流明月當空避斗牛光滿一輪清暎
水色同萬里影涵秋謫仙尊裡平吞却江子樓頭獨
占否倚遍闌干渾不寐恍疑雪夜款乘舟

農亭春雨

閱耕乘暇出郊垆習習東風馬足輕駐節白衣頭上
合倚闌銀竹眼邊明旣沾旣潤一犁足盈畝盈疇四
望平多爲勤民賢令尹故教河伯兆秋成

兒家秋烟

秋郊孤塚漢儒阡翁仲荒涼鎖暮烟縹緲半空微帶
兩氤氳四望欲連天斷碑字蝕苔痕古老樹枝枯蟻
穴穿欲窺當年耕讀事好從青史覓遺編

齊伯盟臺

築臺當日費蒸炊臺就紛紛事簡書禮講諸侯咸萃
聚義招五禁總傾輪噐盈仲父功初著心息威公業
已踈下馬不堪重弔古斷垣殘碣一丘墟

淄河晚釣

野岸縈紆野水寬斜陽影裡弄漁竿一釣香餌細鱗
美數尺輕絲小白寒瀟洒不殊臨渭水風流未遜在
嚴灘興來換取前村酒爛醉何曾避達官

北海晴波

青齊北去接滄溟萬頃波光四望晴落日翻盆寒汐
上輕風捲雪午潮生層層雲裏釜齧背級級中回赤
鱗睛距此僊家應不遠乘風直欲到蓬瀛

西關烟市

鷄鳴茅屋曙光微西指烟關露未晞白爍負絲方入
鎮書帘市酒又開扉東家乾沒多金錯北舍經營老
布衣况是可平嚴禁令有無相濟孰云非

